

اتنين في واحد
بس مش كوفي ميكس



(وباعوه في لحظة ماتوجع ورموه ف بير؟)

ماتقوللي فين عم الجدع فين الضمير؟

ياللي انت عايش ف البدع إرجع وخاف

يوم القيامة حاتلدع ربك كيبيبير

.....

ازاي تفكر ان أنا باسعى لفلوس

بعض الخلايق منها ناخذ دروس

لما الحبايب عندنا متجمعين

راح يعمل ايه فينا العدو أوف النفوس؟

.....

(القلب فاتح مضيئة وفارش حصير)

اجلس ورحرح بالقوي وبلاش تطير

وامسك كمان الأوردة علشان تروق

بس ابقى حاسب مش قوي وبلاش تغير

.....

(شبابيكه برحة مكيفة ونسيمة غير)

او عاك تشغل مروحة راح نستجير

وفاتورة تيجي موضحة ذل السنين

خليك حزين والقلب جايز يستلف بعض الضمير

.....

(دخلوه وقعدوا وأنتخوا من غير حساب)

زي الكلاب الجربة بتخاف م العقاب



أو كالتعالب دحلبوك وحاسحبوك

ماتقول لأبوك بلاش تزعل أمانا ومشى الكلاب

.....

(وباعوه ف لحظة ماتوجع ورموه ف بير)

آهين وآه يادي الجدع أمرك خطير

ماتفوق ياواد وانسى البدع وبلاش غرور

ماتيللا غور أوحى فارق سكتي ماكسرت زير

.....

ملحوظة:

للعلم كل الشطرات بين قوسين كلمات الشاعر الجميل محمود

وحيد

وقالوا



وقالوا التيتة ف النانا

وقالوا النانا ف التيتة

وتاني قال كمانانا

وما للنونة من تيتة

كلام ف كلام وباستخفاف

سنيكم سودة واستظراف

وزرع بلادنا صابه جفاف

حا طالب وقفة ضد الكاف

تغير في الأساس بيته